

### ԱՐՁԱՆԱԳՐՈՒԹՅՈՒՆ ԹԻՎ 3

2019 թ. մարտի 17-ին տեղի ունեցավ ՀՀ Կոտայքի մարզի Գեղաշենի Ռազմիկ Ստեփանյանի անվան միջնակարգ դպրոցի 6<sup>ա</sup> դասարանի ծնողական ժողովը: Ժողովին ներկա էին բոլոր ծնողները, դասղեկ Մարջիկ Վարդանյան և տնօրենի մասնագիտացված կրթական աջակցությունների գծով տեղակալ՝ Զոյա Գևորգյանը:

#### Օրակարգում՝

1. *Աշակերտների առաջադիմության հարցը:*
2. *Էքսկուրսիայի կազմակերպում:*
3. *Ընթացիկ հարցեր /կարգապահություն, ռեժիմ, հերթապահություն/:*

#### 1. Լսեցին.- *Աշակերտների առաջադիմության հարցը:*

Ելույթ ունեցավ դասղեկ Մարջիկ Վարդանյանը՝ ներկայացնելով յուրաքանչյուր աշակերտի առաջադիմությունը: Մանրամասնորեն ներկայացվեց յուրաքանչյուր աշակերտի գրավոր և բանավոր խոսքը:

Ծնողներին անհատական ներկայացվեց իրենց երեխաների բացթողումներն ու թերացումները:

#### Որոշեցին

Ավելի հետևողական լինել բարձր առաջադիմություն ապահովվելու համար: Այն ծնողները, որոնց երեխաները ունեն որոշակի թերացումներ, որոշեցին ավելի շատ համագործակցել ուսուցիչների հետ, տանը ավելի շատ աշխատել երեխաների հետ, որպեսզի վերացնեն բացթողումները: Կարդալ և գրել դժվարացող աշակերտների ծնողներն էլ խոստացան ավելի ուշադիր լինել իրենց երեխաներին, դժվարության դեպքում փորձել ուսուցիչների հետ միասին կարգավորել ցանկացած հարց կապված դասերի հետ:

#### 2. Լսեցին.- *Էքսկուրսիայի կազմակերպման հարցը:*

Ելույթ ունեցավ դասղեկ Մ. Վարդանյանը: Նա նշեց, որ ՀՀ ԿԳ նախարարության կողմից դպրոցականներին տրամադրվել են թանգարան այցելության անվճար տոմսեր, որոնք նպատակահարմար կլինի օգտագործել էքսկուրսիայի ընթացքում՝ գույակցելով կինոդիտումը թանգարան այցելության հետ: Ծնողներից առաջարկեցին աշակերտներին տանել նաև մանկական սրճարան:

Որոշեցին.

Առաջարկը բոլոր ծնողների կողմից հավանության արժանացավ: Ծնողական խորհուրդը կատարեց ծախսերի հաշվարկ ,որի արդյունքում որոշեցին հավաքել 4000 դրամ գումար էքսկուրսիան կազմակերպելու համար:

Տրանսպորտ- 1000դր.

Կինոդիտման տոմս-1000դր.

Մանկական սրճարան- 2000դր.

**3.Լսեցին.- Ընթացիկ հարցեր /կարգապահություն,ռեժիմ,հերթապահություն/:**

Դասղեկը հորդորեց ծնողներին հետևողական լինել իրենց երեխաների նկատմամբ, հետևել, որ աշակերտները դպրոց հաճախեն պայուսակով, դասագրքերով և դպրոցական համազգեստով, ենթարկվեն դպրոցի ներքին կարգապահական կանոններին և աշակերտավայել վարք դրսևորեն, պահեն ծնող-դասղեկ-աշակերտ կապը: Քննարկվեց ընթացիկ հարցեր, որոնք վերաբերվում էին դասագրքերի պահպանմանը, աշակերտների հիգիենիկ վիճակին:

Որոշեցին .

Որոշվեց ցուցաբերել ավելի շատ ուշադրություն և հետևողականություն, որպեսզի աշակերտները ներկայանան աշակերտին վայել կեցվածքով, լինեն կարգապահ և դասերին պատրաստ:

Ծնողական խորհրդի նախագահ՝

Քարտուղար՝



Ան. Վարդանյան

Ան. Մարտիրոսյան